

# KILOMETROAK 2016



www.kilometroak.eus

Kilometroak 2016 Bergara

@kilometroak

kilometroakbideoak

kilometroak

**ANE BARRUSO**  
ARANZADIKO ZUZENDARIA

## "Herritarrekin batera antolatu dugu jaia"

Bi helburu mota jarri genituen duela urtebete: bata, soziala; eta bestea, ekonomikoa. Helburu bat zen Kilometroak herritarrekin batera antolatzea. Eragileei eskaini genien beraiek nahi zutena egitea jaiaren inguruan, eta gauza politak aterara dira. Herritarrek, eragileek zein kultur taldeek aktiboki hartu dute parte. Errespetua ere landu dugu: eraso sexisten edota alkohol kontsumoaren gaineko prebentzioa, jasagarritasuna...

Helburu ekonomikoari dagokionez, lortuko dugun diruarekin dauzkagun mailaguen kargari aurre egin nahi diegu.



**PELLO ZABALA**  
EGURALDI-GIZONA

## "Eguraldiak hobera egingo du domekan"

Oraingo domekan, goizean triste samar egongo bada ere, egun polita izango dugu; hala ematen du. Aurreko egunerako, zapaturako, euria dago emanda, baina domekara bitartean hobetu egingo du. Datorren frontea ez da handiegia ere izango; beraz, goizean lainotuta egon badaiteke ere, orduak aurrera egin ahal arindu egingo du eta gero eta giro hobea izango dugu Kilometroak egunean. Eguraldi txarrak, behintzat, ez du egingo; beraz, pozik egoteko moduan gaude, badirudi eguraldiak lagundu egingo duela eta Bergarako jaiaren.



**GABIÑE MARTINEZ**  
ARROPA

## "Gune nagusietan izango gara igandean"

Urte osoan barrera ibili gara herririk herri Kilometroetako arropa eta osagarriak saltzen. Eta Bergarako dendan ere bai. Baina, jakina, igandean ibilbideko guneetan jarriko ditugu postuak. Honako gune hauetan: Ikastola (1), Espoloia (2), Labegarieta (3) eta Matxiategi (4). Azkeneko egunotan asko saldu dugu dendan, baina iganderako izango dugu jeneroa. Demasekoa. Polit askoa. Bestalde, Kilometroak eguna pasatakoan, bi astez-edo Bergarako dendan ere erosi ahalako da. Urriaren 4tik aurrera, arratsalde, eta larunbatetan, goiz eta arratsalde.



**MIREIA GALLASTEGI**  
PREBENTZIOA

## "Eraso sexisten aurkako protokoloa osatu dugu"

Gure batzordeak bi arlo nagusi landu ditu: batetik, alkoholarekin eta drogekin lotutako prebentzioa; eta bestetik, eraso sexisten aurkako kanpaina. Hala, protokolo bat eta dekalogo bat egin dugu bi arlo horien gainean, tabernekin eta Udalarekin elkarlanean. Aurreko jaialdietan erabilitakoak oinarri hartuta, guri egokitutako plan bat osatu dugu.

Eraso sexistei lotutako kanpainari dagokionez, prebentzio dekalogoaz gain, zerbait gertatuz gero jarraitu beharreko protokolo zehatz bat prestatu dugu domekako jaialdira begira.



**JOSEAN ARENAZA**  
KOMUNIKAZIOA

## "Jaiaren berri emango dugu uneoro"

Kilometroak jaiaren uneoro jarraipena egingo dugu [www.kilometroak.eus](http://www.kilometroak.eus) webgunearen bidez eta sare sozialen bidez; bereziki, Twitter, Facebook eta Instagramen bitartez. Argazkiak, irudiak, informazioa... nahi beste izango du jendeak gertatzen ari denaren berri izan dezan eta elkarreragin dezan. Bestalde, hiru komunikatu ofizial banatuko dira egunean zehar. Kilometroak eguna argazki eta bideoz jasoko dugu eta, esaterako, gaueko 22:00etan, domekan, saio berezia emango da Goiena Telebistan, Goienarekin elkarlanean ekoiztuta.



**LEIRE LAZKANO**  
GIZA BALIABIDEAK

## "1.500 boluntario arituko gara lanean"

Domeka honetan Bergaran ospatuko dugun Kilometroak 2016 eguna aurrera ateratzeko lanean arituko garen boluntario kopurua 1.500 pertsona ingurukoa izango da.

1.500 pertsona hauek Aranzadi ikastolako gurasoak, langileak, ikasleak, ikasle ohiak eta Bergarako herritarrek dira, eta baita urte urte eta kilometroz kilometro lanean aritzen diren beste zenbait lagun ere. Horiek guztiak 15 batzorde ezberdinetan banatuta arituko dira, zirkuituan eta berau osatzen duten bost guneetan zehar lanean.



**XABIER ETXEBERRIA**  
ZIRKUITUA

## "Ibilbide lau eta eroso diseinatu dugu"

Bergaran diseinatu dugun ibilaldia lau da, herrigunean barrera, eta eroso egiteko. Mugitzeko zailtasunak dituztenak ere aintzat hartu ditugu, zirkuitu inklusiboa eginez. Ia 5 kilometro ditu eta bost gune, gehienak elkarren artean oso gertu. Jendeari gauzak errazte aldera eta egitarau oparoz gozatzeko aukera emate aldera.

Bestalde, natura-gunean barrera beste ibilbide zati bat egin dugu trenbide zaharretik, Udalarekin batera. Jai eremutik aldenuta eta trankilago ibili nahi duenarentzako.



**MAITE ARANTZABAL**  
BLAI-BLAI

## "Jaialdia 'haurrenagoa' izan dadin nahi dugu"

Maiatzean hasi genuen Blai-Blai prozesuaren emaitza da Haurren Basoa. Prozesuaren protagonistak haurrak izan dira, eta helburua beraiek pentsatu eta diseinatutako espazio bat eraldatzea izan da. Azken finean, haurrei parte hartzeko eta erabakitzeko espazio bat ireki diegu eta beraiek sortu dute basoa.

Eskura izan ditugun baliabideak erabiliz eta berrerabiliz, edonork ongi pasatzeko aukera izango duen espazioa da Haurren Basoa. Kilometroak jaialdia *haurrenagoa* izan dadin lortu nahi izan dugu.

**ITXASO FERNANDEZ**  
IRAUNKORTASUNA

## "Bizikleta martxak antolatu ditugu"

Jaialdi iraunkorra antolatze aldera, Bergara bizikletaz etortzeko dei egin dugu. AMPOREN babesarekin, eta talde horretako txirindulariak ere gurekin izango dira. Arrasatetik, Oñatitik, Antzuolatik eta Sorluzetik bina martxa antolatu ditugu, 09:00etan eta 10:30ean (Antzuolan 10:00etan). Boluntarioak izango dira martxetan laguntzen. Bestalde, bizikletendako aparkalekuak izango dira Agorrosinen eta Labegarietan, uneoro martxan eta zainduta. Helburua da taldean joatea, eta ondo pasatzea garraibide osasuntsu eta ez kutsakorra erabilita.



**JON ANDER ARRIOLA**  
APARKALEKUAK

## "Nahikoa aparkaleku izango da denondako"

Aurreko Kilometroetan izandako esperimentiarekin, esan daiteke nahiko ondo joan zela, eta aparkaleku nahikoa izango da denontzako. Sakabanatu genituen, alde batetik, autobusak Telleria eta Ibarra aldean (Labegarietan), eta autoak Amillaga eta San Juan aldean.

Aurten, autobusak toki berean, Labegarietan, aparkatuko dira eta autoak Amillaga aldean bideratuko ditugu. Gune hori betetzen denean, auto guztiak San Juango Larramendi industrialdera bideratuko ditugu. Handik autobusak jarriko ditugu, jendea zirkuitura jaitsi dadin.



**MAITE FERNANDEZ**  
IKUSKIZUNAK

## "Dr. Deseok euskaraz emango du kontzertua"

Domekako berezitasun handietako bat izango da Doctor Deseo talde bilbotarrak kontzertu osoa euskaraz emango duela. Azkenengo diskoetan beti atera du kanturen bat edo beste euskaraz, baina lehenengo aldia izango da hasieratik bukarara kontzertu osoa euskaraz emango dutena. Hori da berezitasuna.

Kilometroak jaialdia euskararen aldeko ekimena denez, balio horiekin lotutako konpromisoa da hartu dutena. Francisek, abeslariak, ez du euskaraz egiten; orduan, konpromiso hau hartzea keinu polita izan da bere aldetik.




**ASIER ELORTZA**  
ERRONKA

## "Finaleko probak ikusgarriak izango dira"

Aurtengo erronka ikusgarria eta berri-zailea izango da; izan ere, Tolosan sortu zenetik, probak berdintsuak izan dira, eta herri bakoitzak bere ukitua eman izan dio probaren bat edo beste aldatuaz. Guk, aurten, dena berritu dugu, eta proba guztiak berritzaileak dira. Gainera, beste urte batzuetan ikasleei zehatz-mehatz azaldu izan diego nola izango den proba. Guk aditzera eman ditugu proba bakoitzaren ezaugarri batzuk, baina ez guztiak, sorpresa faktorea bilatze aldera. Aurre-ratu nezake finaleko probak bereziki ikusgarriak izango direla.







**2. GUNEA | ESPOLOIA ETA ARRIZURIAGA**

**"HAURREN BASOA"**

- 10:00: Oso fan taldearen emanaldia.
- 11:00: Iker Laurobaren emanaldia.
- 11:00: Erronkaren lehen proba.
- 12:00: Burun Danga taldearen emanaldia.
- 12:00: Blai-blai, Haurren basoa.
- 12:00: Oihal akrobazia.
- 12:30: Ipuin kontalaria.
- 13:00: Perlak taldearen emanaldia.
- 13:00: Erronkaren bigarren proba.
- 14:00: Eraul taldearen emanaldia.
- 14:00: Blai-blai, Haurren basoa.
- 14:30: Anariren emanaldia.
- 15:00: Oihal akrobazia.
- 16:00: Joseba B. Lenoir Gang taldearen emanaldia.
- 17:00: Imanol Ituño magoaren Magia parrastan ikuskizuna.
- 17:30: Sorkun-en emanaldia.
- 19:00: Itxiera.

**5. GUNEA | AZOKA**

**+ TONBOLA**

- 10:00: 2zio taldearen emanaldia.
- 11:00: Erronkaren lehen proba.
- 11:00-13:00: Erraldoiak eta Buruhandiak.
- 12:00: Tio Teronen semeak taldearen dantza emanaldia.
- 13:00: Erronkaren bigarren emanaldia.
- 13:00-16:30: Herri bazkaria (Lurlan), 25 euro.
- 13:00-16:30: Herri bazkaria (Frontoian), 15 euro.
- 14:30: Aukeran taldearen dantza emanaldia.
- 15:30: Anje Duhalderen emanaldia.
- 17:00: Oxabi taldearen emanaldia.
- 19:00: Itxiera.

**4. GUNEA | MATXIATEGI**

- 10:00: Fan & Go taldearen emanaldia.
- 11:00: Erronkaren lehen proba.
- 12:00: Ze esate!! taldearen emanaldia.
- 12:00: Asier Muniainen carver skate erakustaldia.
- 13:00: Erronkaren bigarren proba.
- 14:00: Doctor Deseo (euskaraz).
- 15:30: Fly Shit taldearen emanaldia.
- 17:00: Azkaiter Trioren emanaldia.
- 19:00: Itxiera.

**3. GUNEA | LABEGARAIETA**

- 10:00: Trialsin erakustaldia: FunBox factory.
- 11:00: Kometala taldearen emanaldia.
- 12:30: Autobus Magikoa taldearen emanaldia.
- 14:00: Emon taldearen emanaldia (Demasa Kilometroak 2016ko abestia zuzenean).
- 14:00: Trialsin erakustaldia: FunBox factory.
- 14:00: Bazkaria Erronkarietzat.
- 15:00: Oihan Vegaren DJ saioa.
- 15:30: Erronkaren errepeska eta finala.
- 17:30: Skakeitan taldearen emanaldia.
- 19:00: Itxiera.

**1. GUNEA | IKASTOLA**

- 09:30: Hasiera ekitaldia.
- 10:00: Zirkuitu irekiera.
- 10:00: Erronkaren aurkezpena.
- 10:00-18:30: Puzgarriak.
- 10:30: Moittuai taldearen emanaldia.
- 11:00: Erronkaren lehen proba.
- 12:00: Moises Azpiazu dantza taldearen emanaldia.
- 12:00: Omenaldia eta lekukoa ematea.
- 13:00: Erronkaren bigarren proba.
- 14:00-18:30: Irrien Lagunak.
- 19:00: Itxiera.

**IBILBIDE ALTERNATIBOA**